

ქართული ენის გრამატიკა

III კლასი

დამხმარე სახელმძღვანელო

გულნარა ჟღენტი
დემირა ელიაშვილი
ნინო ზამბახიძე

წინადადება
არის__ სიტყვა ან სიტყვათა ჯგუფი,
რომელიც დასრულებულ აზრს გამოხატავს
ტესტი

1. რომელია თხრობითი წინადადება?

- ა) აბა, დათვალეთ, რამდენი ხართ!
- ბ) პირამდე სავსე აუზი ბავშვებს ძალიან მოეწონათ.
- გ) აუზს რატომ აბინძურებთ?
- დ) ყურადღება მიაქციე აუზს!

2. რომელია კითხვითი წინადადება?

- ა) ერთ ხშირ, დაბურულ ტყეში ლომს მშვიდად ეძინა.
- ბ) უშიშარმა თაგვმა ტანზე გადაურბინა.
- გ) გახსოვს, რომ დამცინე?
- დ) ხომ ხელავ პატარა თაგვსა შეძლებია დიდი ლომი დახმარება!

3. რომელია ძახილის წინადადება?

- ა) არა, ამაზე ლამაზი ფრინველი ქვეყნად არ არის!
- ბ) რომელი ამბობდა მართაღს?
- გ) ეზოში ფარშევანგი დადიოდა ამაყად.
- დ) იქვე, გზაზე ორი კაცი მიდიოდა.

ბრუნვა

ერთი და იგივე სახელი შეიძლება შვიდი სხვადასხვა ფორმით შეგვხვდეს:

მაგ.: ქალ-**ი**, ქალ-**მა**, ქალ-**ს**, ქალ-**ის**, ქალ-**ით**, ქალ-**ად**, ქალ-**ო**.
სახელის ასეთ ცვლას ბრუნვათა მიხედვით, **ბრუნება** ჰქვია.
თანამედროვე ქართულში გვაქვს შვიდი ბრუნვა.

ბრუნვები და მისი მაწარმოებლები:

1. სახელობითი	- ი	ბავშვ- ი	კაც- ი	სახლ- ი
2. მოთხრობითი	- მა	ბავშვ- მა	კაც- მა	სახლ- მა
3. მიცემითი	- ს	ბავშვ- ს	კაც- ს	სახლ- ს
4. ნათესაობითი	- ის	ბავშვ- ის	კაც- ის	სახლ- ის
5. მოქმედებითი	- ით	ბავშვ- ით	კაც- ით	სახლ- ით
6. ვითარებითი	- ად	ბავშვ- ად	კაც- ად	სახლ- ად
7. წოდებითი	- ო	ბავშვ- ო	კაც- ო	სახლ- ო

ელექტრონული ტექსტი:

<https://learningapps.org/display?v=pscs7bz8n20>

ორი ერთნაირი ბგერის თავმოყრა არსებით სახელში
(ორი მ, ორი ს)

ირემი, გემი, სკამი, ექიმი, გურამი, ლომი, ჯემი, კრემი ____
ასეთ სახელებს, რომელთა ბოლო თანხმოვანი არის მ,
მოთხრობით ბრუნვაში მოუდის ორი მ.

ირემმა, გემმა, სკამმა, ექიმმა, გურამმა, ლომმა, ჯემმა, კრემმა.

თბილისი, ქუთაისი, ნემსი, ლექსი, მწყემსი ____ ასეთ სახელებს,
რომელთა ბოლო თანხმოვანი არის ს, მიცემით ბრუნვაში მოუდის
ორი ს.

თბილისს, ქუთაისს, ნემსს, ლექსს, მწყემსს.

სიტყვებში ჩაწერეთ გამოტოვებული ასო-ბგერები

ირემ/ /ა ირემს ბალახი მიაწოდა. მატარებელი თბილის/ /
მიუახლოვდა. მშიერმა ლომ/ /ა დაიღრიალა. მწყემს/ /
სალამური ამშვენებს. გურამ/ /ა გაკვეთილი კარგად ისწავლა.
ექიმ/ /ა ავადმყოფი კაბინეტში დაიბარა. ლექს/ / ვერ დავწერ.

ორი ერთნაირი ბგერის თავმოყრა არსებით სახელში
(ორი ზ, ორი შ)

კოვზი, ხაზი, ლაზი, აფხაზი, ლამაზი, რამაზი, ვაზი,
ასეთ სახელებს, რომელთა ბოლო თანხმოვანი არის ზ, ზე-ს
დართვისას ორი ზ მოიყრის თავს.

კოვზზე, ხაზზე, ლაზზე, აფხაზზე, ლამაზზე, რამაზზე, ვაზზე

თამაში, რაში, ქარქაში, ხაში, კომში, ლავაში, ნუში, შიში,
ასეთ სახელებს, რომელთა ბოლო თანხმოვანი არის შ, ში-ს
დართვისას ორი შ მოიყრის თავს.

თამაშიში, რაშიში, ქარქაშიში, ხაშიში, კომშიში, ლავაშიში, შიშიში.

სიტყვებში ჩაწერე გამოტოვებული ასო-ბგერები:

დედამ წამალი კოვზ/ /ე დაასხა. მამა იმ ახალგაზრდა
აფხაზ/ /ე გვიყვებოდა. რამაზ/ /ე უკეთ გიორგი
სწავლობდა. თამაშ/ /ი ყველა ერთმანეთს აჰყვა. ბებომ
ცხელ ლავაშ/ /ი ყველი ჩაგვიდო.

სწორია	შეცდომაა
ფოთლის	ფოთოლის
მერცხლის	მერცხალის
მაკრატლის	მაკრატელის
ობლის	ობოლის
გოდრის	გოდორის
მაწვნის	მაწონის
მინდვრის	მინდორის
წყლის	წყალის
მსხლის	მსხალის
ხობბის	ხობობის
კოკრის	კოკორის
ჩოჩრის	ჩოჩორის
ნივრის	ნიორის
სანთლის	სანთელის

ადამიანის საკუთარი სახელი მიმართვისას
ფუძის სახით იხმარება

1. ლუარსაბ! - დაუძახა ძმას დავითმა
2. მშვიდობით ჩემო გაბრიელ!
3. შენ კარგად იცნობ სოლომონ, ჩემს გულს.

სწორია	შეცდომაა
დავითმა	დავითიმ
აკაკიმ	აკაკმა
დარეჯანმა	დარეჯანიმ
ქეთევანმა	ქეთევანიმ
გიორგიმ	გიორგმა
თამარმა	თამარიმ
ზურაბმა	ზურაბიმ
ლევანმა	ლევანიმ
ლუარსაბმა	ლუარსაბიმ

სახელს ორი რიცხვი აქვს: მხოლოებითი და მრავლობითი

მხოლოებითი

მრავლობითი

1. სახელობითი	ბავშვ-ი	ბავშვ-ებ-ი
2. მოთხრობითი	ბავშვ-მა	ბავშვ-ებ-მა
3. მიცემითი	ბავშვ-ს	ბავშვ-ებ-ს
4. ნათესაობითი	ბავშვ-ის	ბავშვ-ებ-ის
5. მოქმედებითი	ბავშვ-ით	ბავშვ-ებ-ით
6. ვითარებითი	ბავშვ-ად	ბავშვ-ებ-ად
7. წოდებითი	ბავშვ-ო	ბავშვ-ებ-ო

მრავლობით რიცხვს აწარმოებს ებ ბოლოსართი.

ხაზი გაუსვით მრავლობითი რიცხვის ფორმას:

ფოთოლი, ყვავილები, ბალახები, ბუჩქი, ქათამი, იხვები,
მამალი, ღორები, ცხენები, ხარი, ურემი, ვეფხვები, ვარდები,
იები, იასამანი, მგზავრი, მერხები, სკამები, რვეული, წიგნი,
კალამი, ფანქრები, ჩანთები, სახლები, ნაძვი, ფიჭვი, ხე.

სიმრავლის აღმნიშვნელი სიტყვებია:
ბევრი, მრავალი, უამრავი, რამდენიმე და ა.შ.

ბავშვები - არის მრავლობითი რიცხვის ფორმა.

ბევრი ბავშვი - ესეც მრავლობითი რიცხვის ფორმაა.

როცა სახელს (ბავშვი) წინ უძღვის სიმრავლის აღმნიშვნელი სიტყვა (ბევრი), მაშინ სახელი ბავშვი მხოლოდით რიცხვში უნდა იყოს, თუმცა ის მრავალ ბავშვს აღნიშნავს.

1. ელენემ ენები იცოდა ___ ელენემ მრავალი ენა იცოდა.
2. ხათიას დედამ თოჯინები უყიდა ___
ხათიას დედამ უამრავი თოჯინა უყიდა.
3. ლანას დაბადების დღეზე მეგობრები მოვიდნენ ___
ლანას დაბადების დღეზე რამდენიმე მეგობარი მოვიდა.

არსებითი სახელი

საგნის აღმნიშვნელ სიტყვას **არსებითი სახელი** ჰქვია.

დაესმის კითხვები: **ვინ? რა?**

კითხვა **ვინ** დაესმის მხოლოდ ადამიანის აღმნიშვნელ სახლებს.

კითხვა **რა** __ ყველა სხვა სახელს.

არსებითი სახელები იყოფა ჯგუფებად:

1. **ვინ** და **რა** ჯგუფი

ვინ ჯგუფისაა არსებითი სახელები, რომლებიც პასუხობს კითხვაზე **ვინ**: ბავშვი, დედა, ექიმი, მარიამი, ბაბუა და სხვა.

რა ჯგუფისაა არსებითი სახელები, რომლებიც პასუხობს კითხვაზე **რა**: ძაღლი, თევზი, თელავი, ხორბალი და სხვა.

2. **სულიერი** და **უსულო**

სულიერია, რომელსაც თავისი ძალით გადაადგილება შეუძლია, **უსულოა**, რომელსაც თავისი ძალით გადაადგილება არ შეუძლია.

3. **კონკრეტული** და **აბსტრაქტული**

კონკრეტულია სახელი, რომელსაც ნივთიერი სახე გააჩნია: მაგიდა, სკამი. . .
აბსტრაქტულია სახელი, რომელსაც ნივთიერი სახე არ გააჩნია: მეგობრობა, სილამაზე, სიყვარული . . .

4. **საკუთარი** და **საზოგადო**

საკუთარია სახელი, რომელიც ერთ რომელიმე საგანს ჰქვია,

საზოგადოა სახელი, რომელიც მრავალ ერთნაირ საგანს ჰქვია: ზღვა, ტბა . . .

ვინ და რა ჯგუფის სახელები დააკავშირეთ სწორად

დედა

სპილო

მასწავლებელი

მაგიდა

მერცხალი

კურდღელი

ყვავილი

ქოთანი

ვარდი

ბაბუა

მოსწავლე

ირემი

შველი

წიგნი

მამა

გიორგი

ვინ

რა

სულირი და უსულო სახელები დააკავშირეთ სწორად

ვაშლი

ძაღლი

ბავშვი

წიგნი

კურდღელი

ჩანთა

ცხოველი

ყვავილი

არწივი

კატა

კალამი

ქალი

რვეული

ადამიანი


მცენარე

იხვი

სულიერი

უსულო

კონკრეტული და აბსტრაქტული სახელები
დააკავშირეთ სწორად





სახლი



ჩანთა



საათი



ბურთი



ხე

ჩვენ შეგვიძლია ყველა ამ ნივთის დანახვა, შეხება და გააჩნია ნივთიერი სახე.

მაგრამ, არის ისეთი სახელები, რომელთა დანახვა და შეხება არ შეგვიძლია, ესენია:

სილამაზე, სიმამაცე, სიყვარული, ბედნიერება - ამ სიტყვებს არ გააჩნიათ ნივთიერი სახე, ჩვენ მას ვერც შევხებით და ვერც დავინახავთ. ასეთ სახელს **აბსტრაქტული სახელი ჰქვია.**

შეასრულეთ ელექტრონული ტესტი:

<https://learningapps.org/display?v=p41ivd19j19>

საკუთარი და საზოგადო სახელები დააკავშირეთ სწორად

მდინარე

თბილისი

სოფელი

ლისის ტბა

მცენარე

შავი ზღვა

მტკვარი

ტბა

ხატია

ქალაქი

მცხეთა

ზღვა

ქუთაისი

ხილი

ადამიანი

ბავშვი

საკუთარი

საზოგადო

ზედსართავი სახელი საგნის ნიშან-თვისებას გამოხატავს
და დაესმის კითხვები:

როგორი? რომელი? სადაური? როდინდელი?

ლამაზი ქალი _____ როგორი ქალი?

ლამაზი _____ არის ზედსართავი სახელი,

ჭკვიანი ბავშვი _____ როგორი ბავშვი?

ჭკვიანი _____ არის ზედსართავი სახელი

ქუდიანი ბიჭი __ რომელი ბიჭი?

ქუდიანი __ არის ზედსართავი სახელი

იტალიელი მზარეული __ სადაური მზარეული?

იტალიელი __ არის ზედსართავი სახელი.

წლევანდელი მოსავალი __ როდინდელი მოსავალი?

წლევანდელი __ არის ზედსართავი სახელი.



დაუსვით კითხვები:

1. ფუმფულა ფისოს ტკბილად ეძინა.
როგორ ფისოს? ___ ფუმფულა.
2. ცელქი ბავშვები ჟრიამულით გარბოდნენ მდინარისაკენ?
როგორი ბავშვები? ___ ცელქი.
აღნიშნავს საგნის ნიშან_თვისებას.
3. სახლი ტყის პირას იდგა.
სად იდგა? ___ ტყის პირას.
4. საბა სკოლაში წავიდა.
სად წავიდა? ___ სკოლაში.
აღნიშნავს ადგილს, სადაც ხდება მოქმედება.
5. ლანა და მისი მეგობრები დღეს პირველად წავიდნენ სკოლაში.
როდის წავიდნენ? ___ დღეს.
6. სკოლაში არდადეგები გუშინ დაიწყო.
როდის დაიწყო? ___ გუშინ.
აღნიშნავს დროს, როცა მოხდა მოქმედება.



ხელობის აღმნიშვნელი სახელები



ნახირი ----მენახირე,
 ცხვარი ---- მეცხვარე,
 ბადე ----- მებადური,
 ზღვა ----- მეზღვაური,
 ნავი ----- მენავე,
 ნადირი --- მონადირე,
 თხილამური - მოთხილამურე,

ღორი ----- მეღორე,
 თევზი ----- მეთევზე,
 ტივი ----- მეტივე,
 ვენახი ----- მევენახე,
 მამული ---- მემამულე,
 ჭადრაკი --- მოჭადრაკე,
 დუქანი ---- მედუქნე.

მენახირე, მეცხვარე, მებადური, მეღორე, მეთევზე, მეტივე,
 მეზღვაური, მევენახე, მენავე, მემამულე, მონადირე,
 მოჭადრაკე, მოთხილამურე, მედუქნე _____



ხელობის აღმნიშვნელი სახელებია





დანიშნულების აღმნიშვნელი სახელები



ყური ---- საყურე,
 საფლავი----- სასაფლაო,
 ფეხი ----- საფეხური,
 სადილი ----- სასადილო,
 მაჯა ----- სამაჯური,
 ყელი --- საყელო,

სკოლა ---- სასკოლო,
 კაცი ----- საკაცი,
 მამული ----- სამამულო,
 ყვავილი---- საყვავილე,
 ხელი - სახელური.

საყურე, სასკოლო, საფეხური, სამამულო, სამაჯური, საყელო,
 სასაფლაო, საკაცი, სასადილო, საყვავილე, სახელური




დანიშნულების აღმნიშვნელი სახელებია.



არსებითი სახელისაგან წარმოქმნილი
ზედსართავი სახელები:

ქუდი - უქუდო - ქუდიანი; შვილი - უშვილო - შვილიანი;
ბედი - უბედური - ბედნიერი; ცოლი - უცოლო - ცოლიანი



ზედსართავ სახელებში განირჩევა ხარისხის სამი ფორმა:

დადებითი

თეთრი

დიდი

ტკბილი

გრძელი

სქელი

უფროობითი

უ - თეთრ-ეს-ი

უ - დიდ - ეს - ი

უ - ტკბ - ეს - ი

უ - გრძ - ეს - ი

უ - სქ - ეს - ი

ოდნაობითი

მო - თეთრ - ო

მო - დიდ - ო

მო - ტკბ - ო

მო - გრძ - ო

მო - სქ - ო

კარგის უფროობითი ფორმაა უკეთესი

ცუდის უფროობითი ფორმაა უარესი

რიცხვითი სახელი სამი სახისაა:

რაოდენობითი

რიგობითი

წილობითი

ორი

მე - ორ - ე

მე - ორ - ედ - ი

ხუთი

მე - ხუთ - ე

მე - ხუთ - ედ - ი

ათი

მე - ათ - ე

მე - ათ - ედ - ი

გაურკვეველი რიხვითი სახელებია:

ბევრი, უამრავი, რამდენიმე, მრავალი

სწორია	შელომაა
უამრავი მეგობარი	უამრავი მეგობარები
ბევრი ბავშვი	ბევრი ბავშვები
რამდენიმე წიგნი	რამდენიმე წიგნები
მრავალი ენა	მრავალი ენები
ათი მოსწავლე	ათი მოსწავლეები
ბევრი ვაშლი	ბევრი ვაშლები

ტესტი

1. რომელია არასწორი?

- ა) ბარათით; ბ) ზუსტათ; გ) ხელით

2. რომელია არასწორი?

- ა) ერთნაირი ბარათები;
ბ) ნაბეჭდი ბარათები;
გ) უამრავი ბარათები

3. რომელია არასწორი?

- ა) კაცად; ბ) ბავშვით; გ) სახლით

4. რომელია არასწორი?

- ა) რამდენიმე ბურთები;
ბ) წითელი ბურთები;
გ) ფეხბურთის ბურთები

5. რომელია არასწორი?

- ა) სახლათ; ბ) სკამით; გ) წიგნად

პირის ნაცვალსახელი

მხოლოებითი რიცხვი	მრავლობითი რიცხვი
I -პირის ნაცვალსახელი	
მე	ჩვენ
II -პირის ნაცვალსახელი	
შენ	თქვენ
III -პირის ნაცვალსახელი	
ის	ისინი
მე ვსწავლობ,	ჩვენ ვსწავლობთ
შენ სწავლობ	თქვენ ვსწავლობთ
ის სწავლობს	ისინი სწავლობენ

რთული სიტყვები, რომლებიც იწერება დეფისით და უდეფისოთ (ერთად)

დააკვირდით მაგალითს:

მთა - ბარი \longrightarrow მთა და ბარი;

დედ - მამა \longrightarrow დედა და მამა, ეს რთული სიტყვები იწერება

დეფისით, რადგან შესდგება ორი სხვადასხვა სიტყვისაგან და თითოეულს ცალკე ადებულს იგივე მნიშვნელობა აქვს, რაც რთულ სიტყვაში.

შეიძლება ფუძეგაორკეცებული სიტყვებიც დავწეროთ დეფისით.

დიდ-დიდი; ხევ-ხევი; ქურჩა-ქურჩა; უბან-უბან და ა. შ.

რთული სიტყვები, რომლებიც ერთად იწერება

ფუძეგაორკეცებული რთული სიტყვებია: თავთავი, წამწამი, მაგრამ დეფისით არ იწერება, რადგან ცალკე ადებულ თითოეულ ნაწილს სხვა მნიშვნელობა აქვს, ხოლო ერთად სულ სხვა რამეს ნიშნავს.

თავ და თავი ნიშნავს ორგანოს, ადამიანის, ცხოველის ან ფრინველის თავს, ხოლო თავთავი არის მარცვლელი მცენარე,

ასევე, წამ და წამი მიანიშნებს დროს, ხოლო წამწამი აქვს თვალს, ამიტომ ასეთი რთული სიტყვები ერთად იწერება, უდეფისოდ.

რთული სიტყვები, რომლებიც
ერთად იწერება

ერთად იწერება აგრეთვე ფუძეგაორკეცებული რთული
სიტყვები, როდესაც გასაორკეცებელი ფუძე
ერთმარცვლიანია და შეერთებულია და-თი.

მაგ.: სხვადასხვა, პირდაპირ, ხანდახან, ცხენდაცხენ და სხვა.

თუ გასაორკეცებელი ფუძე ორმარცვლიანია, იწერება
ცალ-ცალკე.

მაგ.: ბოლოს და ბოლოს, უფრო და უფრო, ისევ და ისევ,
აქეთ და იქით და სხვა.

გამონაკლისია:

მაინცდამაინც, შიგადაშიგ. (რომლებიც ერთად იწერება)

ერთად იწერება ნაირფუძიანი რთული სიტყვებიც:

მაგ.: ჯარისკაცი, გულკეთილი, ყოვლისმცოდნე, გულისპირი,
პირდაბანილი, ყოველდღე, ყოველკვირა და სხვა

ფრჩხილებში მოცემული რთული სიტყვებიდან ხაზი გაუსვით
სწორ ვარიანტს.

1. ყანაში (თავთავი, თავ-თავი) დამწიფებულიყო.
1. ჩემი თოჯინა (წამ-წამს, წამწამს) აფაფხურებდა.
1. ნინი მდინარეს (ნაპირნაპირ, ნაპირ-ნაპირ) მიუყვებოდა.
1. ლალი (ხევ-ხევ, ხევხევ) შეუმჩნვლად მიიპარებოდა.
1. ასე დავდიოდი დილამდე (ქუჩაქუჩა, ქუჩა-ქუჩა).
1. დათვი (ბაჯბაჯით, ბაჯ-ბაჯით) მიდიოდა.
1. ამწვანებულიყო (მთა-ბარი, მთაბარი).
1. დედამ ნამცხვრის (პატარპატარა, პატარ-პატარა) ნაჭრები გაუნაწილა შვილებს.

რთული სიტყვები აქციე ორ სიტყვად:

ცოლ-ქმარი	ცოლი და ქმარი	ბებია-ბაბუა	- - - - -
სახლ-კარი	- - - - -	ალაგ-ალაგ	- - - - -
ხელ-ფეხი	- - - - -	ტყე-ველი	- - - - -
ეზო-ეზო	- - - - -	ღობე-ყორე	- - - - -
ყრუ-მუნჯი	- - - - -	ნაპირ-ნაპირ	- - - - -
ცვარ-ნამი	- - - - -	ნელ-ნელა	- - - - -
ღობე-ღობე	- - - - -	მაღლა-მაღლა	- - - - -

ასეთი სიტყვები იწერება დეფისით

ზმნა აღნიშნავს მოქმედებას და დაესმის კითხვები:

რა ჰქნა? რას შვრება? რას იზამს?

მოსწავლემ დავალება **დაწერა**. რა ჰქნა? ___ **დაწერა**.

ბავშვი ბურთს **თამაშობს**. რას შვრება? ___ **თამაშობს**.

მოსწავლე წიგნს **წაიკითხავს**. რას იზამს? ___ **წაიკითხავს**.



ზმნას გააჩნია დრო:

ახლანდელი

აკეთებს

ცეკვავს

სწავლობს

მუშაობს

წარსული

გააკეთა

იცეკვა

ისწავლა

იმუშავა

მომავალი

გააკეთებს

იცეკვებს

ისწავლის

იმუშავებს

სწორია	შეცდომაა
მოსწავლეები მაგიდასთან ისხდნენ	მოსწავლეები მაგიდასთან იჯდნენ
ბავშვებმა ქვები გადაყარა	ბავშვებმა ქვები გადააგდო
ამდენი ნადირი თქვენ დახოცეთ?	ამდენი ნადირი თქვენ მოკალით?
ჩემს ბაღში ხეს ვაშლები ასხია.	ჩემს ბაღში ხეს ვაშლები აბია.
უზარმაზარ ორმოში ჩავცვივდით.	უზარმაზარ ორმოში ჩავვარდით.
მტერი თავს დაესხა.	მტერი თავს დაეცა.
ნახირი საძოვარზე გარეკეს.	ნახირი საძოვარზე გააგდეს.
ლიამ ჭურჭელი დაამსხვრია.	ლიამ ჭურჭელი გატეხა.
ძირს დაყრილი ვაშლები აკრიფა.	ძირს დაყრილი ვაშლები აიღო.
ხალხი ისხდა	ხალხი იჯდა
დედა-შვილი დასხდა	დედა-შვილი დაჯდა
მგლები დაიხოცა	მგლები მოკვდნენ
და-ძმა მისცვივდა	და-ძმა მივარდნენ
გიამ წიგნები თაროზე დააწყო	გიამ წიგნები თაროზე დადო

ტესტი

1. რომელია სწორი?
 - ა) ბავშვები მაგიდასთან ზიან;
 - ბ) ბებომ დამჰალი ვაშლები გადააგდო;
 - გ) შემოდგომით ხიდან ყვითელი ფოთლები ცვივა
2. რომელია სწორი?
 - ა) ბავშვები ხევში გადაგდებულ სახედარს მივარდნენ;
 - ბ) ჩემს დარგულ ნერგს ნაყოფი კარგად აბია;
 - გ) ტყემ მოისხა ფოთოლი
3. რომელია სწორი?
 - ა) საბამ ცხვრის ფარა საძოვარზე გააგდო;
 - ბ) ბავშვები მაგიდას უხმოდ მიუსხდნენ;
 - გ) ვაშლის ძირში უამრავი ვაშლი აგდია
4. რომელია სწორი?
 - ა) გიორგიმ ნახირი გარეკა;
 - ბ) ჩვენმა მეომრებმა მტრები მოკლა;
 - გ) შვილიშვილები ბებოს გვერდით ვჯდებით.

მიზანი/მიზეზი

რათა თუ რადგან?

წინადადებაში დავწეროთ სწორი ფორმით:

1. ელენემ გაკვეთილები დროულად ისწავლა, **რათა** სათამაშოდ წასულიყო.
2. ლანამ ყვავილები დაკრიფა, **რათა** დედისთვის დედის დღე მიელოცა.

ორივე წინადადებაში საუბარია **მიზანზე**, პირველ წინადადებაში მიზანია **სათამაშოდ წასვლა**, ხოლო მეორე წინადადებაში **დედის დღის მილოცვა**, ამიტომ ვწერთ **„რათა“**.

3. გიორგი სკოლაში არ წავიდა, **რადგან** გაკვეთილები არ იცოდა.
4. საბამ საყვედური დაიმსახურა, **რადგან** ხატია გაანაწყენა.

მე-3 და მე-4 წინადადებაში საუბარია **მიზეზზე**, მე-3 წინადადების მიზეზია **გაკვეთილების არცოდნა**, ხოლო მე-4 წინადადების **ხატიას განაწყენება**, ამიტომ ვწერთ **რადგან**.

ე.ი. თუ წინადადებაში საუბარია **მიზანზე**, იწერება **რათა**,
თუ წინადადებაში საუბარია **მიზეზზე**, იწერება **რადგან**.

მსგავსი მნიშვნელობის სიტყვები (სინონიმები)		საპირისპირო მნიშვნელობის სიტყვები (ანტონიმები)	
ხაბაზი	პურის მცხობელი	მოხუცებული	ახალგაზრდა
პეშვი	მუჭა	გამარჯვებული	დამარცხებული
უმაქნისი	უქნარა	საზამთრო	საზაფხულო
უვიცი	უცოდინარი	შერცხვენილი	სახელიანი
დაამთავრა	დაასრულა	დღე	ღამე
სადავო	საკამათო	ადმოსავლური	დასავლური
ქურდულად	მიპარვით	ბობოქარი	წყნარი
უჩინარი	უხილავი	დასასრული	დასაწყისი
უცნობი	უცხო	განათა	დააბნელა
გუნება	განწყობა	დაბლობი	მაღლობი
ვაკე	დაბლობი	ტირილი	სიცილი
ქომაგი	გულშემატკივარი	გაღმა	გამოღმა
ქირქილი	ჩუმად სიცილი	მხიარული	სევდიანი
ხელმოჭერილი	ძუნწი	მუქი	მკრთალი
განათლებული	ნასწავლი	უსუნო	სურნელოვანი
ცნობილი	სახელგანთქმული	ვახშამი	საუზმე